

- И тако мое веселие минула,
 братство и слава навеки уснула.
- 4 О, смерти немилосердая и злая,
 страшнообразнейшая и неблагая!
 Что ты мене рано еще уморила,
 двоякое диво на мне сотворила?
 Кому мое имение и полаты,
 сосуды сребрены и одежды златы?
 Красни мои сады и винограды
 днесь твоими ногами вси потоптаны.
 Преминули радоснотворны смехи
 и всякия мусикийския утехи.
- 5 О, смерти несытая и прелютая,
 неблагодарнейшая и злолютая!
 Вем убо, вем, яко не мною начала,
 но всем дело твое зеле огорчало.
 На всех ты преострый меч твой обнажила
 и тем сильных света сего положила.
 Богатых и славных навеки побрала
 и под ноги свои равно потоптала.
 Всех, еси, смерти, под солнцем покосила
 и купно вся со земным прахом смесила.
- 6 О, смерти непобедимая, гордая,
 жестоконравная и непокорная!
 Все от тебе стрелою люте уязвлени
 и вечно темнице иззатвержены.
 Горко рыдаю и плачю, а ты не зриши,
 кричю и молю, а ты свое твориши.
 Дееши красоту мою безобразну,
 тлению и персти месиш сообразну.
 Милостивно, смерти, не поглядаеши
 и от плача ушеса своя затыкаеши.
- 7^а Где убо ныне бывши миролюбцы,
 славные и лакомые златолюбцы?
 Где ныне во премудростех спеюЩИИ,
 дивная и преславная деЮЩИИ,
 Иже яко свет в жизни своей сияли,
 разумом, красотою лиц блистали?
 Твоим, смерти, мечем вси испресечены
 и во тме непросветимой заключени,
 ВеселяЩИЯся братствы многими
 вси ныне смесишася со убогими.
- 8 Где ныне гордо возвышаЮЩИЯся
 и лакомствы сии напыщаЮЩИЯся?
 Все от тебе, смерти, потребишася
 и без памяти вечно погубишася.
 Где славные великородные паны?
 Устронла еси их яко болваны.
 О, смерти, велми есть страшна память твоя.
 трепещет убо тело и душа моя.

л. 65 об.

л. 66

^а Славянская буква-цифра 7 поставлена на поле против текста. Далее нумерации строк в рукописи нет.